

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 19.04.2023թ. թիվ 2316241139 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 19 >> 06 2023թ. 7-13

6290

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Ադամ Թամրազյանի ՄԴ/39304-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Տավուշի մարզի Հաղարծին գյուղի 2-րդ փողոցի 1-ին փակուղու 3-րդ տան բնակիչ Ադամ Թամրազյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 19.04.2023թ. թիվ 2316241139 որոշումը՝ նշելով, որ հիվանդ է տեղափոխել հիվանդանոց: Դիմումին կից ներկայացրել է <<Իռ-Վինգ>> ՍՊԸ-ի կողմից տրված տեղեկանքը:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին 19.04.2023թ. թիվ 2316241139 որոշումը ենթակա է բեկանման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության

ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Նույն օրենսգրքի 17-րդ հոդվածով վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի վտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

Դիմումում նշված հանգամանքների շուրջ պարզաբանումներ տալու նպատակով 15.06.2023թ. քաղաքացի Ադամ Թամրազյանը հրավիրվել է Ճանապարհային ոստիկանության վարչական բողոքների քննության բաժին, որտեղ իր գրավոր բացատրությամբ նշել է, որ 30.03.2023թ. ժամը 22:30-ի սահմաններում իր հայրիկին՝ Լորիկ Թամրազյանին, իր կողմից վարվող <<VAZ 2115>> մակնիշի 37LP753 հաշվառման համարանիշի տրանսպորտային միջոցով իրենց բնակության վայրից շտապ տեղափոխել է Դիլիջանի բժշկական կենտրոն, ինչի մոտոքի մոտ բժիշկներն արձանագրել են վերջինիս մահը: Խնդրել է բեկանել դիմումում նշված Ճանապարհային ոստիկանության վարչական տույժ նշանակելու մասին որոշումը, քանի որ գործել է ծայրահեղ անհրաժեշտության իրավիճակում:

<<Իռ-Վինգ>> ՍՊԸ-ի կողմից տրված տեղեկանքի համաձայն՝ 30.03.2023թ. ժամը 23:00-ին սեփական ավտոմոբիլով հիվանդանոց տանելու ճանապարհին պացիենտ Լորիկ Թամրազյանը ավտոմոբիլի մեջ մահացել է:

Ճանապարհային ոստիկանության կողմից <<Իռ-Վինգ>> ՍՊԸ ուղարկված հարցմանն ի պատասխան ներկայացված հիվանդանոցային պայմաններում արտահիվանդանոցային բժշկական օգնության և սպասարկման թիվ 793 քարտի պատճենի համաձայն՝ քաղաքացի Լորիկ Թամրազյանը իրենց մոտ է ընդունվել 30.03.2023թ. ժամը 23:00-ին հարազատի ուղեկցությամբ: Նախնական եզրակացությունը՝ կենսաբանական մահ:

Վարչական իրավախախտումների վերաբերյալ << օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով, վարչական վարույթի ընթացքում հիմնավորվել է դիմումատուի կողմից ճանապարհային երթևեկության կանոնի խախտումը ծայրահեղ անհրաժեշտության վիճակում կատարելու հանգամանքը, ուստի վերը նշված որոշումը ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 247-րդ հոդվածի 1-ին մասի 4-րդ կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 19.04.2023թ. թիվ 2316241139 որոշումը բեկանել և վարչական իրավախախտման վերաբերյալ գործի վարույթը կարճել.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Ադամ Թամրազյանին:

Կատարող՝ Ա.Միրզոյան
Հեռ.060838402



Ն.Սարգսյան